

## «ՌՈՒՐՈՏՆԵՐԸ և ՄՄԻ-Ն» ԹԵՄԱՅՈՎ

### ԷՍՍԵՆԵՐԻ ՄՐՑՈՒՅԹ

#### Աշխատանքների ներկայացման վերջնաժամկետը՝ 30-ը հունիսի, 2021 թ.

Կարմիր խաչի միջազգային կոմիտեն (ԿԻՄԿ) հայտարարում է «Ռոբոտները և ՄՄԻ-ն» թեմայով էսսեների մրցույթ միջազգային մարդասիրական իրավունքով հետաքրքրված անձանց և հետազոտողների համար:

Տարեցտարի զինատեսակներն ավելի են կատարելագործվում, իսկ պատերազմ վարելու մեթոդները՝ ավելի բազմահնար դառնում: Տասնամյակներ շարունակ պետություններն ու փորձագետները բանավիճում են զինտեխնիկայի շեշտակի զարգացմամբ ու զինված հակամարտությունների ժամանակ տեխնոլոգիաների կիրառմամբ պայմանավորված մարտահրավերների շուրջ, և թե ինչպես կարող են Ժնևի կոնվենցիաները և դրանց լրացուցիչ արձանագրություններն արձագանքել այդ մարտահրավերներին:

Հաշվի առնելով խնդրի արդիականությունը և ՄՄԻ նորմերի ամրապնդման ուղղությամբ հետագա ջանքերի անհրաժեշտությունը՝ ԿԻՄԿ-ն հրավիրում է ակադեմիական և փորձագիտական համայնքին մասնակցելու «Ռոբոտները և ՄՄԻ-ն» թեմայով էսսեների մրցույթին:

Մրցույթին մասնակցելու համար անհրաժեշտ է ուղարկել աշխատանքները կազմկոմիտեի էլ.հասցեին մինչև ս.թ. հունիսի 30-ը (ներառյալ): Մրցույթի շրջանակներում դիտարկվելու են միայն անհատական աշխատանքները. թիմային աշխատանքները չեն ընդունվելու:

Ս.թ. սեպտեմբերի 1-ին հայտարարվելիք մրցույթի արդյունքերի հիման վրա նախատեսվում է հաղթողների պարգևատրում տարբեր լեզվական բաժիններում և անվանակարգերում:

Լավագույն աշխատանքները որոշելիս առաջնահերթ հաշվի են առնվելու գաղափարների օրիգինալությունը, միջազգային մարդասիրական իրավունքի իմացությունը և փաստարկման կարողությունը:

# «ՌՈՒՐՈՏՆԵՐԸ ԵՎ ՄՄԻ-Ն» ԹԵՄԱՅՈՎ

## ԷՍՍԵՆՆԵՐԻ ՄՐՑՈՒՅԹ

### ՄՐՑՈՒՅԹԻ ԿԱՆՈՆԱԿԱՐԳԸ

#### *ԲԱԺԻՆ 1. ԿԱԶՄԱԿԵՐՊՈՒՄԸ*

**Հոդված 1.** «Ռոբոտները և ՄՄԻ-ն» թեմայով էսսեների մրցույթի (այսուհետ՝ «Մրցույթ») կազմակերպիչն է Կարմիր խաչի միջազգային կոմիտեն (ԿԻՄԿ) (այսուհետ՝ «Կազմակերպիչ»):

Կազմակերպիչը կարող է իր հայեցողությամբ ընդգրկել արտաքին փորձագետների՝ Մրցույթի իրականացման և մրցութային աշխատանքների գնահատման համար:

**Հոդված 2.** Մրցույթի շրջանակներում սահմանվում են հայերենի, ռուսերենի, ուկրաիներենի, ադրբեջաներենի, ղազախերենի, ղրղզերենի, ուզբեկերենի, թուրքմեներենի և տաջիկերենի բաժիններ: Բաժինների համակարգողներն են՝

- Հայերենի բաժին՝ Հայաստանում ԿԻՄԿ պատվիրակություն
- Ռուսերենի բաժին՝ Ռուսաստանի Դաշնությունում, Բելառուսում և Մոլդովայում ԿԻՄԿ տարածաշրջանային պատվիրակություն
- Ուկրաիներենի բաժին՝ Ուկրաինայում ԿԻՄԿ պատվիրակություն
- Ադրբեջաներենի բաժին՝ Ադրբեջանում ԿԻՄԿ պատվիրակություն
- Ղազախերենի բաժին՝ Ղազախստանի Հանրապետությունում ԿԻՄԿ առաքելություն
- Ղրղզերենի բաժին՝ Ղրղզստանի Հանրապետությունում ԿԻՄԿ առաքելություն
- Ուզբեկերենի, թուրքմեներենի և տաջիկերենի բաժին՝ Կենտրոնական Ասիայում ԿԻՄԿ տարածաշրջանային պատվիրակություն

**Հոդված 3.** Մրցույթի հետ կապված բոլոր հարցերը, այդ թվում՝ սույն կանոնակարգից շեղումները, դրանում կատարվելիք փոփոխությունները և մեկնաբանությունները, հաստատվում են մրցույթի կազմակերպիչի կողմից:

**Հոդված 4.** Կազմակերպիչի որոշումները վերջնական են և բողոքարկման ենթակա չեն:

#### *ԲԱԺԻՆ 2. ՄՐՑՈՒՅԹԻ ՄԱՍՆԱԿԻՑՆԵՐ*

**Հոդված 5.** Մրցույթին մասնակցել կարող է էսսեն և սույն կանոնակարգի համաձայն լրացված դիմումը (հավելված 1) ներայացրած ցանկացած ոք՝ անկախ տարիքից, մասնագիտական կարգավիճակից և բնակության երկրից: Միննույն անձը կարող է ընտրված լեզվական բաժնի շրջանակներում մրցույթի ներկայացնել միայն մեկ էսսե: Միննույն անձի կողմից տարբեր լեզվական բաժիններ էսսե և դիմում ներկայացնելու դեպքում կգնահատվի միայն առաջին ուղարկված էսսեն:

**Հոդված 6.** Մրցույթին մասնակցությունն անհատական է. կոլեկտիվ աշխատանքներ չեն ընդունվում:

**Հոդված 7.** Յուրաքանչյուր ոք պետք է ինքնուրույն կազմի էսսեն: Նախկինում հրապարակված աշխատանքները չեն ընդունվում:

### ***ԲԱԺԻՆ 3. ԷՍՍԵԻ ՎԵՐԱԲԵՐՅԱԼ ՊԱՀԱՆՁՆԵՐ***

**Հոդված 8.** Մրցույթին մասնակցելու համար անհրաժեշտ է գրել էսսե՝ «Ռոբոտները և ՄՄԻ-ն» թեմայով:

**Հոդված 9.** Էսսեն պետք է համապատասխանի հետևյալ պահանջներին.

- Բառերի առավելագույն քանակը՝ առանց ծանոթագրությունների՝ 1000 (ստուգվում է Microsoft Office-ի գործիքներով),
- Շարվածք՝ տառատեսակը՝ Times New Roman, տառաչափը՝ 12,
- Միջտողային բացվածքը՝ մեկուկես
- Ծանոթագրությունների շարվածքը՝ տառատեսակը՝ Times New Roman, տառաչափը՝ 10,
- Էջի տողերի լայնությունը՝ 2 սմ՝ ողջ տրամագծով,
- Աշխատանքները պետք է բնօրինակ լինեն. գրագողությունը և առանց հեղինակին նշելու այլ մեջբերումներն ու փոխառությունները չեն ընդունվի:

**Հոդված 10.** Էսսեն պետք է գրված լինի հայերեն, ռուսերեն, ուկրաիներեն, ադրբեջաներեն, ղազախերեն, դրոզերեն, ուզբեկերեն, թուրքմեներեն կամ տաջիկերեն լեզվով:

**Հոդված 11.** Արդեն ուղարկված էսսեի մեջ փոփոխություններ չեն ընդունվում:

### ***ԲԱԺԻՆ 4. ԱՇԽԱՏԱՆՔՆԵՐԻ ՈՒՂԱՐԿՈՒՄ***

**Հոդված 12.** Էսսեն և դիմումը մեկ էլեկտրոնային նամակով՝ Microsoft Word ձևաչափով երկու առանձին ֆայլով պետք է ուղարկվեն [icrc.competition@gmail.com](mailto:icrc.competition@gmail.com) հասցեով՝ նշելով լեզվական բաժինը և մասնակցի անունը և ազգանունը նամակի վերնագրում (օրինակ՝ հայերեն, Պողոսյան Պողոս):

**Հոդված 13.** Ֆայլերի անվանման վերաբերյալ պահանջներ.

- 1) Էսսեի ֆայլը պետք է պարունակի մասնակցի անունը, ազգանունը և ստորակետով առանձնացված «էսսե» բառը (օրինակ՝ Պողոսյան Պողոս, էսսե):
- 2) Դիմումի ֆայլը պետք է պարունակի մասնակցի անունը, ազգանունը և ստորակետով առանձնացված «դիմում» բառը (օրինակ՝ Պողոսյան Պողոս, դիմում):

**Հոդված 14.** Աշխատանքների ընդունման վերջնաժամկետը՝ 30 հունիսի 2021 (ժ. 20:00, UTC):

## ***ԲԱԺԻՆ 5. ՄՐԳՈՒՅԹԻ ԱՆՑԿԱՑՈՒՄ***

**Հոդված 15.** Էսսենները գնահատվելու են հետևյալ չափանիշների հիման վրա.

- Գաղափարի օրիգինալություն և հիմնավորվածություն,
- Էսսեի բովանդակության համապատասխանություն մրցույթի հայտարարված թեմատիկային,
- Միջազգային մարդասիրական իրավունքի իմացություն,
- Սկզբնաղբյուրների հետ աշխատելու կարողություն և գիտական մեջբերման կանոնների պահպանում,
- Մեփական դիրքորոշումը հիմնավորելու կարողություն,
- Ճշգրիտ և հստակ ձևակերպումներ և շարադրման ոճ:

**Հոդված 16.** Սույն կանոնակարգը խախտած մասնակիցները կարող են կազմակերպիչների որոշմամբ հեռացվել մրցույթից:

## ***ԲԱԺԻՆ 6. ՀԱՂԹՈՂՆԵՐԻ ԸՆՏՐՈՒԹՅՈՒՆ և ՊԱՐԳԵԱՏՐՈՒՄ***

**Հոդված 17.** 2021 թ.-ի սեպտեմբերի 1- ին կազմակերպիչը կհայտարարի մրցույթի արդյունքների մասին և էլեկտրոնային փոստով կուղարկի տեղեկությունը բոլոր մասնակիցներին: Մրցույթի մասին ողջ տեղեկատվությունը կհրապարակվի ԿԻՄԿ-ի կայքում:

**Հոդված 18.** Ներկայացված էսսենների քանակից և որակից կախված՝ մրցույթի բաժինների համակարգողները իրավունք են վերապահում իրենց հայեցողությամբ առանձնացնելու մրցույթի անվանակարգերը: Անվանակարգերի մոտավոր ցանկը ներկայացված է կանոնակարգի հաջորդ հոդվածում:

**Հոդված 19.** Մրցույթի հաղթողները և մրցանակակիրները կարող են ընտրվել տարբեր լեզվական բաժիններից՝ մի քանի անվանակարգերով.

- Լավագույն աշխատանքը դպրոցականների շրջանում,
- Լավագույն աշխատանքը ուսանողների շրջանում,
- Լավագույն աշխատանքը երիտասարդ հետազոտողների շրջանում,
- Լավագույն աշխատանքը դասախոսների և (կամ) գործող մասնագետների շրջանում,

**Հոդված 20.** Մրցույթի բաժինների համակարգողների որոշմամբ՝ մրցույթի հաղթողներին և մրցանակակիրներին կարող են հանձնվել հետևյալ մրցանակները.

- Տարածաշրջանային ԿԻՄԿ միջոցառումներից մեկին մասնակցության հրավեր և հարակից բոլոր ծախսերի փոխհատուցում,
- Միջազգային մարդասիրական իրավունքի մասին գրականություն,
- Աջակցություն գիտական հրատարակչությունում հրապարակման հարցում,
- Մրցույթի բաժինների համակարգողների հայեցողությամբ՝ միջազգային մարդասիրական իրավունքի ամառային դպրոցներից մեկին մասնակցության ծախսերի փոխհատուցում,
- Մրցույթի բաժինների համակարգողների հայեցողությամբ այլ մրցանակներ:

**Հողված 21.** Բացառիկ որակի աշխատանքների առկայության դեպքում, մրցույթի կազմակերպիչների որոշմամբ, հնարավոր է նաև սուպերմրցանակի հանձնում՝ աջակցություն Կարմիր խաչի միջազգային ամսագրում էսսեի հրապարակման հարցում՝ անհրաժեշտության դեպքում անգլերեն թարգմանությամբ (Cambridge University Press, Scopus):

### ***ԲԱԺԻՆ 7. ԱՅԼ ՂՈՒՅԹՆԵՐ***

**Հողված 22.** Էսսեն և դիմումը ուղարկելիս մասնակիցն այդպիսով համաձայնում է դիմումի մեջ նշված անձնական տվյալների՝ գործող ազգային օրենսդրության համաձայն մշակմանը, ինչպես նաև ներկայացված նյութերի, այդ թվում՝ էսսեի ԿԽՄԿ-ի կայքում հրապարակմանը: Անձնական տվյալների պաշտպանության նպատակով մասնակիցը տեղեկացվում է, որ տվյալները հավաքվում են հետագայում նրա հետ կապ հաստատելու և կանոնակարգին վերջինիս համապատասխանությունը որոշելու նպատակով: Մասնակցի գրավոր դիմումի հիման վրա նրա անձնական տվյալները կարող են հեռացվել մրցույթի կազմակերպիչների տվյալների շտեմարանից:

### **ՄՐՑՈՒՅԹԻ ԺԱՄԿԵՏՆԵՐԸ**

**30 հունիսի 2021.** Մրցութային աշխատանքների ներկայացման վերջնաժամկետ:

**1 սեպտեմբերի 2021.** Մրցույթի հաղթողների և մրցանակակիրների հայտարարում ԿԽՄԿ-ի կայքում՝ <https://www.icrc.org/ru/what-we-do/building-respect-ihl/education-outreach>:

### **Ինչպես դիմել մրցութին մասնակցելու համար**

Փաստաթղթերի փաթեթը պետք է ուղարկել [icrc.competition@gmail.com](mailto:icrc.competition@gmail.com) էլեկտրոնային հասցեին մինչև 2021 թ.-ի հունիսի 30-ը ներառյալ:

**Նամակի վերնագրում անհրաժեշտ է նշել լեզվական բաժինը և մասնակցի անունը և ազգանունը (օրինակ՝ հայերեն, Պողոսյան Պողոս):**

Փաստաթղթերի փաթեթը պետք է ներառի.

- 1 դիմում (հավելված 1),
- 1 էսսեի ֆայլ՝ կազմված սույն կանոնակարգի պահանջներին համապատասխան:

Ներկայացվող ֆայլերից յուրաքանչյուրի անվանումը պետք է ներառի մասնակցի անունը և ազգանունը, ինչպես նաև ստորակետով առանձնացված «էսսե» բառը (օրինակ՝ «Պողոսյան Պողոս, էսսե», «Պողոսյան Պողոս, դիմում»): Բոլոր դիմումները պետք է լրացվեն տպագիր ձևով:

Դիմում

Անուն, ազգանուն, հայրանուն	
Ծննդյան ամսաթիվ	
Բնակության երկիր և քաղաք	
Մասնակցի կարգավիճակ (աշակերտ, ուսանող, ասպիրանտ, դասախոս, և այլն)	
Կուրս և ուսումնառության ոլորտ (եթե կիրառելի է)	
Ուսումնական հաստատություն, բաժին/ ինստիտուտ/ կազմակերպություն (եթե կիրառելի է)	
Էլեկտրոնային հասցե	
Կոնտակտային հեռախոսահամար	
Ինչպե՞ս եք իմացել մրցույթի մասին:	
Արդյոք համաձայն եք, որ Ձեր անձնական տվյալները մշակվեն, պահվեն և օգտագործվեն կանոնակարգի հոդված 22-ի համաձայն:	

Սույն դիմումը ներկայացնելով՝ Դուք հաստատում եք, որ մանրամասներեն ծանոթացել եք մրցույթի կանոնակարգին և համաձայն եք մասնակցելու մրցույթին՝ կանոնակարգի համաձայն: